

UPUTSTVO ZA PACIJENTA

BRONCHOSTOP pastile protiv kašlja

59,5 mg, pastila

Suhi ekstrakt herbe timijana

Pažljivo pročitajte ovo uputstvo prije nego počnete koristiti ovaj lijek jer sadrži važne informacije za Vas.

Uvijek koristite ovaj lijek tačno kako je opisano u ovom uputstvu ili kako Vam je rekao ljekar ili farmaceut.

- Sačuvajte ovo uputstvo. Možda ćete ga kasnije trebati ponovo pročitati.
- Ako trebate dodatne informacije ili savjet, obratite se svom farmaceutu.
- Ako primijetite bilo koju nuspojavu, potrebno je obavijestiti ljekara ili farmaceuta. To uključuje i svaku moguću nuspojavu koja nije navedena u ovom uputstvu. Pogledajte dio 4.
- Obavezno se obratite ljekaru ako se ne osjećate bolje ili ako se osjećate lošije nakon 5 dana.

Šta se nalazi u ovom uputstvu:

1. Šta su BRONCHOSTOP pastile protiv kašlja i za šta se koriste
2. Šta morate znati prije nego počnete uzimati BRONCHOSTOP pastile protiv kašlja
3. Kako uzimati BRONCHOSTOP pastile protiv kašlja
4. Moguće nuspojave
5. Kako čuvati BRONCHOSTOP pastile protiv kašlja
6. Sadržaj pakovanja i druge informacije

1. Šta su *BRONCHOSTOP* pastile protiv kašlja i za šta se koriste

BRONCHOSTOP pastile protiv kašlja su tradicionalni biljni lijek koji podstiče iskašljavanje postojane sluzi kod produktivnog kašlja nastalog usljed prehlade.

BRONCHOSTOP pastile su tradicionalni biljni lijek za primjenu kod navedenih indikacija isključivo na temelju dugogodišnje primjene.

BRONCHOSTOP pastile protiv kašlja namijenjene su za primjenu kod djece starije od 6 godina i odraslih.

Obavezno se obratite ljekaru ako se ne osjećate bolje ili ako se osjećate lošije nakon 5 dana primjene

2. Šta morate znati prije nego počnete uzimati *BRONCHOSTOP* pastile protiv kašlja

Nemojte uzimati *BRONCHOSTOP* pastile protiv kašlja

- ako ste alergični (preosjetljivi) na timijan, druge biljke iz porodice *Lamiaceae* ili na bilo koji drugi sastojak ovog lijeka (naveden u dijelu 6).

Upozorenja i mjere opreza

Razgovarajte sa svojim ljekarom ili farmaceutom prije uzimanja **BRONCHOSTOP pastila protiv kašlja**.

Posavjetujte se sa svojim ljekarom ili farmaceutom prije uzimanja BRONCHOSTOP pastila za kašalj, ako imate astmu ili ste skloni alergijskim reakcijama. Postoji mogućnost da ovaj lijek može izazvati teške alergijske reakcije kod pacijenata sa historijom alergijskih reakcija ili astme. Liječenje treba prekinuti pri prvom znakovima alergijske reakcije (pogledajte odjeljak 4 za moguće nuspojave).

U slučaju pojave groznice, otežanog disanja ili gnojnog iscjotka, obratite se ljekaru.

Djeca

Zbog nedostatka podataka i zbog opasnosti od nenamjernog gutanja cijele pastile, ne preporučuje se upotreba kod djece mlađe od 6 godina.

Drugi lijekovi i BRONCHOSTOP pastile protiv kašlja

Obavijestite svog ljekara ili farmaceuta ako uzimate/primjenjujete ili ste nedavno uzimali ili biste mogli uzimati bilo koje druge lijekove.

Studije interakcija nisu sprovedene.

Do danas nisu poznate interakcije sa drugim lijekovima.

Trudnoća i dojenje

Ako ste trudni ili dojite, mislite da ste trudni ili planirate trudnoću, obratite se svom ljekaru ili farmaceutu za savjet prije uzimanja ovog lijeka.

Usljed nedostatka podataka, primjena ovog lijeka tokom trudnoće i dojenja se ne preporučuje.

Upravljanje motornim vozilima i drugim mašinama

Nisu provedena istraživanja o uticaju lijeka na sposobnost upravljanja vozilima i rada na mašinama.

BRONCHOSTOP pastile protiv kašlja sadrže sorbitol i fruktozu.

Ovaj lijek sadrži 300 mg fruktoze i 523 mg sorbitola i u svakoj pastili.

Sorbitol je izvor fruktoze.

Ako Vam je ljekar rekao da vi (ili vaše dijete) imate intoleranciju (ne podnosite) neke šećere ili vam je dijagnosticirana nasljedna netolerancija na fruktozu, rijetko genetsko oboljenje kod kojega osobe ne mogu razgraditi fruktozu, porazgovarajte sa vašim ljekarom prije nego vi (ili vaše dijete) uzmete ovaj lijek.

Sorbitol može uzrokovati gastrointestinalnu neugodu ili imati blagi laksativni efekat (podstiču pražnjenje crijeva).

Napomena za oboljele od dijabetesa: Jedna pastila odgovara otprilike 0,1 jedinica ugljikohidrata. Ovo treba uzeti u obzir kod pacijenata sa šećernom bolešću.

BRONCHOSTOP pastile protiv kašlja sadrže propilen glikol, benzil alkohol i natrij.

Ovaj lijek sadrži 5,53 mg propilen glikola i 0,0018 mg benzil alkohola.

Benzil alkohol može uzrokovati alergijske reakcije.

Ovaj lijek sadrži manje od 1 mmol natrija (23 mg) u pastili, tj. u osnovi ne sadrži natrij.

3. Kako uzimati *BRONCHOSTOP* pastile protiv kašlja

Uvijek uzimajte ovaj lijek tačno onako kako je opisano u ovom uputstvu, ili kako Vam je rekao Vaš ljekar ili farmaceut. Ako niste sigurni, provjerite sa svojim ljekarom ili farmaceutom.

Preporučeno doziranje

Odrasli i adolescenti iznad 12 godina starosti:

1 - 2 pastile svaka 3 do 4 sata (4-6 puta dnevno).

Djeca u dobi od 6 godina do 11 godina starosti:

1 pastila 3 puta dnevno.

Način primjene:

Za oralnu upotrebu. Pustiti da se pastila otapa u ustima.

Trajanje primjene:

Samoliječenje sa *BRONCHOSTOP* pastilama protiv kašlja treba ograničiti na pet dana. Ako do tada ne dođe do značajnijeg poboljšanja, trebete se obratiti ljekaru.

Primjena kod djece

Upotreba kod djece mlađe od 6 godina se ne preporučuje, usljed nedostatka podataka i zbog opasnosti od nenamjernog gutanja cijele pastile.

Ako uzmete više *BRONCHOSTOP* pastila protiv kašalj nego što ste trebali

Nisu prijavljeni slučajevi predoziranja ovim lijekom.

Ako zaboravite uzeti *BRONCHOSTOP* pastile protiv kašlja

Nemojte uzimati dvostruku dozu kako biste nadoknadili zaboravljenu dozu.

Ako u vezi sa primjenom ovog lijeka imate još pitanja, obratite se svom ljekaru ili farmaceutu.

4. Moguće nuspojave

Kao i drugi lijekovi, ovaj lijek može uzrokovati nuspojave, iako se one neće javiti kod svakoga.

Ovaj lijek može izazvati sljedeće ozbiljne alergijske reakcije. Ako primijetite bilo koji od sljedećih nuspojava, odmah prestanite uzimati ovaj lijek i potražite medicinsku pomoć:

- Iznenadne i ozbiljne alergijske reakcije, uz otežano disanje, oticanje, vrtoglavicu, ubrzan rad srca, znojenje i gubitak svijesti.
- Brzo oticanje ispod kože na područjima poput lica, grla, ruku i nogu.

- Teškoće s disanjem ili otežano disanje.

Ostale moguće nuspojave

Ako bilo koja od sljedećih nuspojava postane ozbiljna ili vas zabrine, ili primijetite bilo koju drugu nuspojavu, prestanite uzimati ovaj lijek i potražite medicinsku pomoć što je prije moguće:

- Alergijske reakcije na koži, uključujući osip, svrbež i svrbež osipa.
- Poremećaji probavnog sustava kao što su bolovi u stomaku, nelagoda, proljev, povraćanje i mučnina.

Učestalost mogućih nuspojava nije poznata (frekvencija se ne može procijeniti na temelju dostupnih podataka).

Prijavljivanje sumnje na nuspojave lijeka

U slučaju bilo kakvih neželjenih reakcija nakon primjene lijeka, potrebno je obavijestiti Vašeg ljekara ili farmaceuta. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.

5. Kako čuvati *BRONCHOSTOP pastile protiv kašlja*

Čuvati na temperaturi do 25°C.

Blistere čuvajte u originalnoj ambalaži kako biste zaštitili pastile od svjetlosti.

Držite izvan dohvata i vidokruga djece.

Nemojte koristiti ovaj lijek nakon isteka roka trajanja koji je naveden na naljepnici i kutijici. Rok trajanja se odnosi na posljednji dan tog mjeseca.

Lijekovi se ne smiju bacati u otpadne vode ili kanalizaciju. O najboljem načinu odlaganja ovog lijeka kada vam više nije potreban, upitajte svog farmaceuta. Ovim mjerama pomažete u zaštiti okoliša.

6. Sadržaj pakovanja i dodatne informacije

Šta BRONCHOSTOP pastile protiv kašlja sadrže:

Aktivna supstanca je:

Suhi ekstrakt zeleni (herbe) timijana

Jedna pastila sadrži:

59,5 mg suhog ekstrakta biljke timijana (*Thymus vulgaris herba* (zelen timijana), omjer ekstrakt-lijek = 7-13:1; ekstrakcijski rastvarač: voda).

Pomoćne supstance su:

Arapska guma (gummi arabicum E 414), fruktoza, sorbitol tečni 70% nekristalizirajući (E 420), maltodekstrin, limunska kiselina (E 330), saharin natrij (E 954), aroma aronije (koja

sadrži propilen glikol (E1520)), aroma šumskog voća (koja sadrži propilen glikol (E1520) i benzil alkohol (E1519), parafin tečni, pročišćena voda.

Kako izgledaju *BRONCHOSTOP* pastile protiv kašlja i sadržaj pakovanja:

BRONCHOSTOP pastile protiv kašlja su šestougaone, smeđe pastile voćnog okusa. BRONCHOSTOP pastile protiv kašlja su pakovane u PVC/PE/PVdC Alu blister i dostupne su u pakovanju koje sadrži 20 (2x10) pastila.

Režim izdavanja

BRp - Lijek se izdaje bez ljekarskog recepta.

Proizvođač (administrativno sjedište i proizvođač gotovog lijeka)

Kwizda Pharma GmbH
Effingergasse 21
A-1160 Beč
Austrija

Nositelj dozvole za stavljanje lijeka u promet

Viennapharm d.o.o.
Jezero 3
71000 Sarajevo
Bosna i Hercegovina

Broj i datum rješenja za stavljanje lijeka u promet:

BRONCHOSTOP pastile protiv kašlja 59,5 mg, 20 pastila:
04-07.3-2-2979/21 od 09.11.2021.god.

Ovo uputstvo je zadnji puta revidirano u

Martu 2025.god.